



Publicaziuns officialas dils 05-05-2017

Damonda da baghegiar

Nr. 26/2017

Datum da publicaziun: 05-05-2017

Patrun: Bundi Robert, 7173 Surrein

Liug e parcella: Giachentrina; 1339, 4150, 4799

Object: Catramar plaz avon casa

Il profils ein tschentai ed il plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 05-05-2017

Cumissiun da baghegiar

Radunonza da vischnaunca

La proxima radunonza da vischnaunca ha liug mesjamna, ils 24 da matg 2017 allas 20.00 uras a Sumvitg.

Gliesta da tractandas

1. Avertura e beinvegna
2. Elecziun da 2 dumbravuschs
3. Approbaziun dil protocol dalla davosa radunonza communal dils 20-12-2017
4. Tractaziun ed approbaziun dil project senda da viandar Sumvitg-Rabius e concessiun dil credit brut da 105'000 francs
5. Tractaziun ed approbaziun dil project da sanaziun dils providiments d'aua Sumvitg/Sogn Benedetg, Cumpadials/Clavadi e concessiun dil credit brut da 6'000'000 francs per mauns dalla votaziun all'urna
6. Orientaziuns
7. Varia

Dils documents tier las tractandas 4 e 5 sco era dil protocol dalla radunonza communal dils 20-12-2016 sa vegnir priu investa sin canzlia communal duront las uras da spurtegl. Avon radunonza ei il protocol ultra da quei exponius en la stanza da radunonza per investa.

Sumvitg, 05-05-2017

Suprastonza communal Sumvitg

Serrada via Laus

Muort las lavurs da construcziun sin la via da Laus vegn la via serrada naven dils 24 d'avrel 2017. La via ei serrada duront l'entira jamna (era sonda e dumengia) per tut il traffic. Il traffic vegn duront il temps numnau sviaus sin la via da Puzastg.

Tablas d'informaziun dattan sclariment davart ils loghens exacts dil tschancun che vegnan sanai. Las medemas informaziuns ein era publicadas sin la pagina d'internet dalla vischnaunca www.sumvitg.ch. Quellas informaziuns ein oravontut d'impurtonza per ils cultivaders dils praus sil tschancun denter Falens e Laus.

Nus engraziein per Vossa capientscha. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 05-05-2017

Suprastonza communal

Votaziuns federalas dils 21-05-2017

Nus fagein attent silla publicaziun all'entschatta dil «Fegl Ufficial Surselva»

L'urna ei aviarta (en canzlia communal)

gievgia e venderdis mintgamai duront las uras da spurtegl dumengia, ils 21-05-2017, dallas 10.00 – 11.00 uras

Sonda e dumengia, ils 20 e 21 da matg 2017 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Rimnada da pupi e cartun

Las classas primaras dil consorzi da scola Sumvitg – Trun rimnan pupi

Venderdis, 12-5-2017

All'entschatta ina supplica :

Per simplificar in tec nosssa lavur, fussen nus fetg engrazieivels sch'il pupi savess vegnir ligiaus aschia ch'ils pachets dattan buca dapart.

Tiel cartun vala il medem. Fagei aschi bien e ligei era ensemen quel tier pachets. Quei fuss in enorm levgiament per nus che rimnein il pupi sco era cartun. Per mintgina e mintgin da Vus ina pintga caussa e per nus in enorm avantatg.

Sco informaziun per talas e tals che vulan menar sez lur pupi e cartun tiellas muldas:

Sco igl atun vegnan las muldas deponidas suandontamein:

Rabius: ina mulda per pupi ed ina per cartun

Cumpadials: ina mulda per pupi ed ina per cartun

Sumvitg: ina mulda per pupi ed ina per cartun

Surrein: ina mulda per pupi ed ina per cartun

Grond engraziament per Vossa capientscha e bunaveglia.

Rabius (cheu vegn la lavur surprida quella ga dallas uniuns)

Venderdis, 12-05-2017 (suentermiezdi/sera)

Sumvitg – Cumpadials – S. Benedetg e Clavadi

Venderdis, 12-05-2017 (avon miezdi)

Surrein

Venderdis, 12-05-2017 (suenter miezdi)

Corporaziun Alp Russein-Trun

Invitaziun alla radunonza generala 2017

Radunonza generala dalla corporaziun Alp Russein-Trun, mardis, ils 16 da matg 2017 el Café Tschut a Trun allas 20.00

Tractandas:

1. Beinvegni ed appel
2. Elecziun d'in dumbravuschs
3. Prelecziun ed approbaziun dil protocol dalla davosa radunonza generala
4. Rendaquen per ils onns 2014-16
5. Rapport dils revisurs ed approbaziun dil quens
6. Rapport dil president
8. Adattaziun dil tscheins dalla caschada
9. Fixar il tscheins dils dretgs per 2017-19
10. Varia

Corporaziun Alp Russein – Trun, la suprasonza

Uniun da dunnas dalla vischnaunca Sumvitg

Nus mein a reiver en halla ensemen cun la guida da muntogna Andrea Jacomet. **Gliendisdis, ils 8 da matg** allas 19.30 s'entupein nus avon il center da sport a Mustér. L'Andrea vegn a mussar a nus ils differents nuvs da reiver e menar en nus ella tecnica da quei fascinont sport. Il material necessari sa vegnir empristaus ora el liug. Aschi bein ils cuosts pil material sco era per l'entrada surpren mintgina sezza. Segirada ei caussa da mintgina. Per ulteriuras informaziuns e damondas stat Giuanna Pelican bugen a disposiziun.

Pia buca targlinei e s'annunziei tochen sil pli tard sonda, ils 6 da matg tier Giuanna Pelican 076 537 78 45 ni giuannapelican@gmail.com

Nus organisein in cuors per refrestgentar igl emprend agid cun Ines Decurtins

Datum: Venderdis, 19-05-2017 allas 19.00–22.00

Liug: Casa da scola Rabiun

Informaziuns ed annunzias entochen ils 16-5-2017 tier Decurtins Olivia, tel. 079 663 32 00

Sin stedia participaziun selegran

las uniuns da dunnas

Societad da musica Surrein/Rabiun

Ils 7 da matg 2017 allas 15.30 dat la societad da musica Surrein/Rabiun in pign concert ella Casa s. Giusep a Cumpadials. Sin vossa viseta selegran

la societad da musica e la Casa s. Giusep

Meisa da miezdi (gentar communabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star il suentermiezdi da cumpignia e dar in scart troccas ni auters giugs.

Liug: «Ustria dalla Staziun», 7176 Cumpadials

Datum: **venderdis, ils 12 da matg 2017** allas 12.00

Prezi: 18 francs per persuna cumpriu gentar cun dessert e caffè.

Annunzias: Ein da far entochen gievgia sera tier «Ustria dalla Staziun», Cumpadials, tel. 081 943 19 22.

Beach Sport Plaun Petschen, Cumpadials

Volley Kids

Il club organisescha trenaments da ballareit sil sablun per affons da 10–16 onns, mintg'otra sonda; entschatta:

Sonda, ils 20 da matg 2017 allas 10.00–11.30

Informaziuns detagliadas e formular d'annunzia: www.plaunpetschen.ch ni

lucas.tuor@icloud.com, tel. 079 759 32 22

Ballareit per in e scadin

Mintgamai la gievgia sera naven dallas 18.30 dein nus ballareit a Plaun Petschen. Tut tgi che ha interess e plascher dil sport da ballareit sa separticipar.

Acziun da spender saung

Gliendisdis, ils 15 da matg 2017 dallas 18.30–20.30 en sala da cultura a Trun. Cordialmein envida l'uniun

samaritana Sumvitg-Trun era Vos/Tei!

Avis: Radunonza generala Corporaziun d'aua Sumvitg/S. Benedetg

Muort las grondas investiziuns vid igl aquaduct vegn la radunonza generala dalla Crporaziun d'aua Sumvitg/ S. Benedetg spustada sil davos digl onn 2017, quei cugl intent da surdar la corporaziun alla vischnaunca da Sumvitg.

Sperond sin Vossa capientscha

la suprastonza